



ORNATISS. V. IOHANNI
HOVSONO, DOCTORI
THEOLOGO DOCTISS.
DOMINO MEO &c.

Oxonium.

265; 06



VTINAM Doctor *Pius* dissoluisset argumentum illud novum, quod ego ita habeo in disputationibus de nuptijs; *Christus improbat divortium Moysis: Hoc erat tantum ex causa adulterij: Ergo divortium ex causa adulterij improbat.* Vtinam soluisset hoc argumentum, quod me mover valde ad partes minus probatas mihi, & quibusdam Ecclesijs nostris: etsi easdem probatas magis Augustino, & Ecclesiæ olim receptiores. Cæterum carpit Doctor in argumento tuo enunciatum: & ipsum clarius sanè luce meridiana, sit illa certissima est distinctio Theologorum de moralibus Legis solum vivis, judicialibus mortuis, ceremonialibus autem mortiferis. Nam, hoc, quod controversitur, de libello repudij iudiciale esse, non dubitetur. Et eorum quidem iudicialium est, quæ non ad solidam perfectionem Deus innotabili populo constituisse dicitur, & à me in primo li-

A

bro

bro de nuptijs memorantur. His autem venisse Christum
finiendis quis neget? His iniustis repudiationibus finem at-
tulit adventus Christi: his iniustis polygamijs finem im-
posuit. Iniustus in lege perfecta, iustus cōcessis in imperfe-
cta. Nimiū enim effert se noster Doctor, si censet rem a-
deo facilem intellectu, num lege Moysis tantū toleraretur,
an etiam concederetur divortium, polygamia. In quo
variant valdē theologi, quidam etiam nec constant sibi.
Hos autem exculat Martyr doctissimus, quod in quæstio-
ne vtrinq; probabili nō vbiq; idem senserint, & docuerint.
Et *Iohannes Drusus* nunc duplicem excogitat polygamiā:
atq; alteram valde multarum illicitam, alteram pauciorū
vxorū licitam tradit extitisse. Ista igitur Christus non
interpretando, sed abrogando sustulit: nisi quā Judæi su-
per & licitū, & concessū, laxarunt frena libidinibus,
quos domus Iesus interpretis legis bonus adhuc castigat.
Sic in quæstione dicimus de altera vxore non ducenda, si
prior propter adulterium dimissa sit: imō de vxore ista nō
dimittenda. Tentatus, sic negat abscissē Christus secundū
legem perfectam, & abrogat legem imperfectam. Mox &
interpretatur imperfectam, de qua sibi obijciebatur, con-
tra laxissimam acceptionem Scribarum. Quanquam quid
ego dico acceptionē Scribarum, qui ponūt solū in quæ-
stione, si liceret ex omni causa vxorem dimittere, non tū
adfirmant? Aut quis de omni causa censuit vel levissima,
nisi Doctor *Pius*? Peritissimus Drusus scribit, quemadmo-
dum Ebræi sapientiores divortium *nunquā probarint, præ-
fertim ob leves causas*. Ipsa sanē lex permittit ex causa,
quia vir in vxore invenerit nuditatem rei. Quæ verba om-
nem causam non significant; vt idem Drusus notat, & in-
telligunt omnes. Ita autem vincimus in capite isto perspi-
cūē, quod non ex omni causa liceret lege Moysis vxorem
di-

dimittere. Bone Deus, quis diceret, ex omni caussa? Et legem Dei, etiam istam imperfectam, laxare libidinibus frena magis, quam lex Romuli fecerit? Hęc causas tres, quatuor probat, quæ omnes & spectant fermè vnam adulterij. Quam vnam adulterij censemus nos licitam lege Moysis. Et hic est controversiæ status nostræ. Et hinc vtinam laborasset Doctor noster, & me suarum, quas extra hoc argumentum magis amo, partium effecisset. Quæ namque alia habet plurima, ea nec sunt admodum ad statum quæstionis, & singula ferè reprehensionem inerentur. Triumphat sibi de te in iure civili: qui marito accusanti vxorem de adulterio inscriptionis periculum addidisse videris. Et ita ipse quadratis litteris de lege cõtra te rescribit. Mi *Housoni*, triplex isthic ius est civile: vetus, quo inscriptio desiderabatur; & quod vtì tempore, ita institutis propiùs accesserit (fatente etiam *Pio*) ad Israelitarum similitudinem. Est ius novum, quo liberatur maritus non ab inscriptione, sed à vinculo inscriptionis: & nec à vinculo omni, sed à quodam. Est novissimum ius, quod meritò dixeris ius civile, quod tenet scilicet: & quod inscriptionem apertè desiderat viri. *Iure mariti qui accusant, calumnie periculum non evitant:* inquit Scęvola: & ius vetus est. Sed ius novum concedit viro accusationem ex suspicione, & eum liberat ita periculo præsumptæ calumniæ, & in tantum periculo quoq; inscriptionis. Id *veteres retrò principes annuerunt*, non Iurisprudentia vetus. Nunc ius novissimum ecce sic loquitur: *Ἡ δὲ οὐ ἀντὶ περὶ μοιχείας ἐγγράφῃ τῆς τῶν γυναικῶν, &c.* Consulat ipse iam Pius suos Papinianos, Scęvolas, Vlpianos, Paulos, addat vnum Iulium Clarum, & ipse erubescet. Tanto erubescet magis, quanto aduersus verba tua, quæ sunt de inscriptione, insurgit ipse à vinculo inscriptionis. Calumniæ sequitur manifestior, quum insultat tibi, veluti de civili iure

notāti, quæ sunt de Canonico: & verò tu de Canonico ad-
notasti. *Et iure* (inquis) *Canon*. Quibus hæc legit oculis? Illa
quibus auribus audivit? Plura sic sunt, quæ tu obserues fa-
cilè, dispellas nullo negotio. Revertor ego ad quæstionem.
In qua per deridiculum responderi miror Burgenſi nostro.
quem princeps Ebraicæ litteraturæ facit Drusius tanti, vt
ſcribat alicubi, eum *sibi ſatu eſſe auctorem*. Et de quo alij
docent plures viri ſummi. Et cui ſemper plurimum defer-
re omnes ſolent. Dandum amplius Ebræis eſt, & alijs om-
nibus in ſua cuiuſq; lingua. Quod tu ſapientiſſimè monu-
iſti, & ego de P. Viſtorio, ac P. Manutio retuli aliquando,
ni fallor. Dandum & teſtimonio eorundem plurimum de
inſtitutis ſuæ cuiuſq; eſt gentis. Et igitur magnum ſit teſti-
monium Abulenſis tui, in quo & conteſtem habet Burgen-
ſem, ne liceret repudiare vxorem, niſi propter fornicatio-
nem. Nec verò Doct̃or *Pius* reſpondet ſatis, quod hoc in-
telligatur de lege illa Naturæ & Dei: aut quod Abulēſi to-
ta reclamabit Judæa, Judæorumq; per vniverſum orbem
colonix & ſepultæ reliquix. Nam loquitur (vt de ſuo Pij
libro video) Abulenſis non de lege illa Naturæ & Dei, ſed
Moysiſ. *Secundum hanc legem*, ait. Mittat vſitatum & quo-
tidianū Doct̃or nobis; qui de iure diſputamus. Mittat, op-
ponere vſitatū interpretibus iſtis Legis. Mittat, excipere
Phariſeos illos, qui ad Chriſtum acceſſerunt, & dubio pro-
cul pro communi opinione tenuerint, licere cuiq; vxorem
dimittere quavis de cauſſa. Imò enim contraria commu-
nis videatur opinio Pio, ſi iſis Druſio credet, non Abulenſi
iam ſoli. Et imò Phariſæi illi (vt ego dixi) adfirmatè nihil
proponunt. Aut etiamſi proponerent, fuerint ipſiq; tum
corruptiſſimi, & corruptionibus populi ad Chriſti odium
velificaverint. Dicam ego viro reverendo, ac docto, pace
ſua, & bona venia, eum teſtimonijs Druiſij, Abulenſis, Bur-
genſis

genſis nec reſpondiſſe, nec poſſe ſatis reſpondere. Atq;
quod errarit Burgenſis turpiter in dictione, de qua quæri-
tur, explicanda, id quidem etſi ego non iudicem, ſit necne
verum, qui Ebraicæ linguæ totius ſum ignariſſimus: vide-
or tamen mihi intelligere, Pij diſputationem adverſariam
non habere ponderis tantū, quantum ipſe exiſtimat. Quid
namq; ſi vocabulū *nuditatis* eſt multiplicis ſignificationis?
Acceptio eius tamen erit ex materia ſubiecta, atq; ad per-
ſonam quum reſertur, hominis pudenda notat: vt *Pius* ip-
ſe ſcribit; hîc autem, vt ſonant verba legis, reſertur ad per-
ſonam liquidò. Notabit autem hîc, quod ſit turpiter cum
pudendis: vbi alia notare nequit, quæ ſunt matrimonij, aut
naturæ certiffima, ac perpetua. Et ſic igitur quia non cau-
ſa quælibet, neque etiam turpitudine aut ſœditas quælibet,
ſed nuditas, ſœditas, turpitudine illa eſt cauſa: & illic ſœditas
nihil habet, vel poteſt ſignificare aliud quàm ſcortationem:
illic turpitudine ſignificet ſcortationem. Et ad hæc tam con-
cludentia, tamq; perſpicua addere non oportuit vocabulū
aliud, quod ſoleat alibi addi, vbi vocabulo eodē ſcortatio
demonſtratur. Scilicet rei demonſtratæ fruſtra additur de-
monſtratio. Neque tamen ego ſcio, ſi non & alibi ſine vo-
cabulo alio vocabulum nuditatis ſit ſcortationi deſignan-
dæ. de quo tu, alijque periti Ebraicarum videbitis. *Ad pu-
dorem nuditatis*, hoc ipſum ſcortationis mihi videtur libro
primo *Samuelis*. Sed omnino ego hoc nolo excutere: qui
& putem, ex ſupradictis ſtare adhuc argumentum meum
ſatis, & tuum. Nec ei obſtare argumētum adverſum, quod
duritas cordis non ſit, dimittere adulteram, quā Deus etiā
morte puniri iubet. Imò enim in privata vindicta hîc eſt
duritas. Eſt in eo ſumma duritas, quod mulieres ferre ſcor-
tatores viros cogeantur ſemper: viri ilico nec convictas
potuerint dimittere vxores ad eum modum. Eſtote miſe-

ricordes, sicut & pater vester misericors est: ait Christus. Sed Deus scortati Ecclesię sponte quoties ignovit? Si nobis ignosci rogamus peccantibus, duritas nostra est, non ignoscere alijs. Quod nobis fieri volumus, idem nos alijs nō facere, duritas est. Quæ *Augustini* hīc sunt. *Quod autem tibi durum videtur ut post adulterium reconcilietur coniugi coniux, si fides adsit, non erit durum*, ut idem scribit. Itaque quod doctori *Pio* non durum videtur, ut post adulteriū dimittatur cōiux, si fides adsit, erit durū. hīc nobis noster D^r. declamitat quoq; impudicitiaē frēna laxari, effusis libidibus omnes aditus referari, et quid non? Contra quę sunt & nostra nobis, & certiora. Sed quid si tamen ex concilio aliquo, & ex patribus nonnullis respondemus, hīc & pœnitentiā desiderari: & non sæpe virum cogi recipere peccatricem? Doctōr *Pius* nec semel vult retineri: & lenocinium, & stultitiā, & impietatem retinenti obiectat. Quod & dici potest, quemadmodum traditur illo concilio, pœnitentiā nō peractā. Id & iure Canonico est certē, id nūc Civili, ut possit sic retineri. Aut dicat nobis nūc apertius noster Doctōr, si cum quibusdam sanē sic sentit, non licere vllō modo vx orem adulterā retinere? Si quod de Proverbijis citat, stultitiā, & impietati convincendę viri, illud dei verbū esse putet, an humanæ manus assumentū? Et ergo videt, quā sint ista nihili, quæ contra nos dicit Doctōr noster. *Levia* mihi vidētur omnia, & certē sunt leviora multō, quā ipse putat, quāq; alijs ostēdere tentat. Si placet, etiam notulas meas, (ecce adiungo huic epistolę) leges, quas apposui epistolę Doctōris, dum legi illam iterū. Lege, si placet, & Vale. Londini in magna grassantis pestis trepidatione die 12. *Aug. 1603.*

Prov. 13.
qui tenet
adulteram
stultus est
& insipiens
non habetur
in He.
bræo.

Tuus ALBERICVS GENTILIS qui, sive vivimus, sive
morimur, Deo in Iesu vivimus, & morimur.